



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

XI. De Aquilis Romanis, *Excerpta ex Epistola*
 Guil. Musgrave, M. D. et utriusq; Societ. Reg.
 Socij, ad Virum Clariss. Gisb. Cuperum, Consulem
 Daventriensem.

DE Romanorum Aquila dubitas, utrum Auro Argentoque incrustata fuerit? [*veteres, inquis, eam Auream vel Argenteam faciunt totam.*] At, Amicorum optime, quis unquam veterum hoc affirmavit? Scio quidem (eruditissime Cupere) Te cum *Stewechio et Lipsio*, militiæ Romanæ scientissimis, stare. Scio *Dionem Cocceium* (1) Ἀετῶ-
 χρυσῶς, *Arrianum* (2) Ἀετοὶ σέμαλα χρυσῶ de Romanis
Aquilis adhibuisse. *Xenophon* etiam, de *Persis* scribens,
 (nam a *Persis* Aquilæ sunt acceptæ) Ἀετὸν τινα Χρυσῶν (3),
 et αἰὲος Χρυσῶς (4). Sed longe hæc a scopo.

Suggestum in Curia, (sic a *Floro* (5) dicitur) sive *Sellam*
 (ut *Suetonius* (6), & *Cicero* (7) eam appellant,) quam
 Senatus *Julio Cæsari* decrevit, totam ex Auro fieri, vix
 credibile est; verum potius (ut vult (8) *Buchnerus*) *auratam*,
 et *multo Auro obductam*. Si quis autem isthanc opinio-
 nem pertinaciter defensum iverit, *Plutarchum* (9) & *Dio-*
nem (10) habebit adversarios; a quibus hæc eadem *Sella*
 Δίορος ἐπίχρυσος, i. e. Auro inductus, sive obductus, in
 summa sui parte inauratus, dicitur: Ut, a *Suetonio*
 (11) [*Sedes Aurea*] & plus semel a *Cicerone* (12), Ele-
 gan-
 U
 gantiarum

(1) Lib. XL. (2) Dissertationibus *Epistæi*. (3) *Xenophon*. *Anab.*
 (4) *Pædia Cyri*, Lib. VIII. (5) Lib. II, Cap. XI. (6) De *Julio Cæsare*,
 Cap. XXVI. (7) *Philippic*, 11, 85. De *Divinatione* 1, 19. (8) *The-*
sauro Eruditionis Scholasticæ, voce *Aureus*, Ed. *Lipsiensis*, 1692. (9) In *Cæ-*
sare. (10) Lib. XLIV. (11) Loco jam citato. (12) Locis jam citatis.

gantium patre, qua significatione Sella hæc dicatur *Aurea*, facile sit perceptu. Domum incendio absumptam, restitutamq; *Nero* (ex auratis proculdubio Columnis, ostiorum postibus, Fenestris, et id genus alijs) *Auream* (13) nominavit, non ex Auro fabricavit.

Notum etiam est, a *Cicerone* (14) *Aquilam* militarem dici *Argenteam*; sed id significare [*totam eam ex Argento fieri*] non est probabile; cum in triumpho *Pompeii* magni, *Mithridatis* Currus [*Aureos, Argenteosque fuisse*] tradit *Plinius* (15). Hosce vero totos fuisse *Aureos* opinabimur? minime gentium. Ipsa rei ratio contradicit. Quis enim nescit, Tritum hæc Metalla non pari? Quis nescit, Auri id pondus esse, ut Currus ex eo factus, quod trahi respuat, (nisi minutulus, ad Puerorum ludicra) omnino sit inutilis? *In hujusmodi dictis, non solum verborum sono, et primo eorum sensui, sed et ipsi naturæ rei consulendum*: Quæ si, in veterum Auctorum interpretatione, diligenter observetur Regula, in ijs explicandis exponendisque, usus erit profecto non exigui.

Hoc quasi filo ducti, Labyrinthum hunc ingrediamur; primoq; advertamus, *Aquilam* esse totius Legionis Insigne, fulgens, hastæ longæ extremitati affixum; ut ab Aquilifero erectum, et a militibus, (præcipue primæ Cohortis) ij vero in Legione, ut ex *Vegetio* (16) patet, Pedites mille centum quinque, Equites centum triginta duo (i. e. 1237) erant, aspectum, usui sit tanto eorum numero, in servandis ordinibus, in custodiendis intervallis, atq; adeo forma aciei retinenda. Alta ergo, et magna sit *Aquila*, necesse est, ut proposito respondeat: Primum ejus Altitudinem, et deinde Magnitudinem indagabimus.

In *Adlocutionibus*, quas *Nummi Romani* passim repræsentant, ij præcipue, quæ justæ longitudinis hastam humi defixam habent, et *Aquilam* ad perpendiculum eleva-

(13) Sueton. in *Nerone*, Cap. XXXI. (14) Oratione in *Catalinam*, Cap. IX. (15) Lib. XXXIII. Cap. XII. (16) Lib. II. Cap. vi.

elevatam; his, inquam, in Nummis, *Aquila* et *Hastæ*, cui imponitur, simul sumptarum altitudo, ad Aquiliferi altitudinem esse solet, ut 4 ad 3; sive in ratione sesquitertia, præterpropter. Ut in Nummis *Caij Cæsaris*, (17) et *Galbæ*, (quos ex Ære majusculos possideo, et jam nunc in manibus habeo) alijsq; licet observare, *Galbæ* (18), *Hadriani* (19), *Gordiani*q; (20); quorum figuræ, prelo impressæ, extant; et in Nummo *Othonis*, (quem etiam possideo) *Securitatem P. R.* exhibente. Dato jam Aquiliferum sex pedes altum esse, (quæ utiq; statura in istiusmodi milite commoda censeatur) hinc sequetur, *Aquilam* et *Hastam* simul acceptas, altas esse pedes octo. Hujus altitudinis pars minimum duodecima tribuenda est *Aquile*, cujus profunditas erit *unciarum octo*. Ex profunditate corporis hujus Aquilini, de ejus ceteris dimensionibus possumus conjicere; et ex ijs de ejus *Pondere*. Erit pondus hujusce *Aquile*, si ex *Argento* fuerit, librarum circiter 300 *Trojan.* si ex *Auro*, 600 *l. Trojan.* At tantæ molis *Auro*, vel etiam *Argento*, *Hastæ* summæ imposito, in altum elevando ferendoq; parem, quem tandem inveniemus *Aquiliferum*? Profecto, quod in causis antiquitus solebat dici perobscuris, *Non liquet*.

Lipsius (21) hic opponit ex *Floro*, in clade *Variana* [*Signiferum Aquilam intra Balthæi sui latebras gerentem, et in cruenta palude delitentem*,] ne scil. potirentur ea hostes; ex eoq; corpus *Aquile* non magnum esse judicat. *Balthæi* latebras, quam velit ille maximas, et quidem ejus, qui vel *Garagantue* circundaretur, lubentius concederem, quam *Aviculam*, *Passerem*, vel *Rubellionem* magnitudine vix superantem (qualem *Lipsius* eam esse vult) *Aquila Romanæ* vires & munera præstare; sed ut *Florus*, in alijs hujus narrationis partibus, turpissime falsus est; (qua de re videantur *Ryckij* (22) ad *Tacitum* Animadversiones)

U 2

ita

(17) Vide Tab. II. (18) Stewech. Comment. ad lib. III. Vegetij, pag. 271. (19) Ibi. (20) Acta Eruditorum Mensis Maij, MDCXCIII. (21) De Militia Romana, lib. IV. (22) Pag. 33.

ita quidem minime audiendus, in ea, qua de *Aquila* magnitudine adeo diffentit, tum a reliquis optimæ notæ Auctoribus, tum ab ipsa rei natura veritateq;.

Ego quidem (ut de *Aquila* fabrica, ex ejus usu, ferrem sententiam) e Ligno quodam, vel Subere, vel materia five Coriacea, five Chartacea, vel hujusmodi aliquo levissimi, Lamina five Argentea five Aurea obducto, cum Alis ejusdem Laminæ in altum expansis, & interdum Tonitru sub *Aquila* pedibus, eam fieri conjecto. Talis enim proposito responderet. Aquilæ parvitati immodicæ non parum favent ea, quæ de Sacello ejus, ab Auctoribus nimis obscura, neque recte satis, exhibentur. Aliqui Sacellum, & in eo *Aquilam*, Hastæ superponi volunt: Sed (ut apertissime (23) *Lipsius*) Cave, sentias, in *Hasta ipsa simile quidpiam adfuisse Templi*. Ad Castra id referendum est; in quorum principijs *Ædicula* quædam, five Templum erat, in quo, Religionis ergo, *Aquila* & Signa servabantur, adorabantur: quod ex *Herodiani* lib. iv. probatur. Hoc autem adjicere placet ὑπέσχεσθαι, quod a *Lipso* prætermisum est, nempe ad Domos etiam privatas id referri posse videri. Ita enim (24) *Cicero* de *Catalina* [*Aquilam Argenteam, cui domi tuæ sacrarium scelerum tuorum constitutum fuit.*] Quod ab alijs *Aquila Sacellum, Templum, & Ædicula* fuit, *Sacrarium* id a *Cicero* dictum, & quidem in privata Domo positum.

Hanc rem consideranti, nemo eam acu tetigisse, mihi magis videbatur, quam *Ant. Augustinus* (25), qui ita scribit, [*Legiones singulæ Aquilam sculptam gestabant, hastæq; impositam, Auro Argentove incrustatam.*] Quæ quidem illius verba, rem, ut opinatus sum, veram exprimantia, in Commentarium meum retuli: rectene vero, an secus, cedo quemvis arbitrum.

Tabula

(23) Commentatio ad Lib. II. Annalium *Taciti*. (24) Loco jam citato. (25) Dialog. III. Antiquitatum in *Cappadocia*.

Fig:1




Fig:2



Fig:3



Fig: 4






Fig:5



Fig: 6



Nummos hosce, Romanaru Magni-
tudinem Aquilarum ostendentes, ære incisos,
Orbi literato D.D. THO: DIKE, de Tetton,
Armiger, πόλλων ἀντάξιος ἄλλων.

Tabula Explicatio.

- I. **N**ummus *Galbae*, in altera parte habens ejus Effigiem, cum hac Inscriptione,

IMP. SER. SVLP. GALBA. CÆS. AVG. TR. POT. *Vide Tab. II*

In altera *Adlocutionem*, quam hic exhibemus.

- II. Nummus *Hadriani*, cujus altera facie

HADRIANVS. AVG. COS. III. P. P.

Alterâ hæc *Adlocutio*.

- III. Nummus *Gordiani* : cujus altero latere,

IMP. GORDIANVS. PIVS. FELIX. AVG.

altero, quæ hic cernitur, *Adlocutio*.

Reliqui tres Nummi e meis sunt, ærei, ejusdem Magnitudinis cum Figuris; nempe

- IV. Nummus *C. Caesaris* ; cujus altera pars habet :

C. CAESAR. AVG. GERMANICVS. PON M TR PO.

(i. e. Pontifex Maximus, Tribunitiæ Potestatis.)

Alterâ hanc *Adlocutionem*.

V. Num-

V. Nummus alter *Galbæ* ; altera parte habens

SER. GALBA. IMP. CAES. AVG.

altera, *Adlocutionem.*

VI. Nummus *Othonis*, cujus altera facie

IMP. OTHO. CAES. AVG. TR. POT.

altera, SECURITAS. P. R.

Notatu dignum est, in omnibus hisce Nummis *Aquilas* ejusdem fere altitudinis esse, nempe tres supra caput Aquiliferi circiter pedes ; unde licet conjicere, quod tametsi *Hastæ*, quibus superimpositæ fuerunt *Aquilæ*, non in Nummis omnibus exprimantur, tamen, cum in Nummis 1, 2, 3, 4, integre ad terram usq; producantur, ejusdem alias cum hisce longitudinis esse.